

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის მაია ხაჭიშვილის სახით და მეორე მხრივ, შპს „სივრცე 9“ (შემდგომში „მიმწოდებელი“) წარმოდგენილი დირექტორის სალომე კურტანიძის სახით, „სახელმწიფო შესყიდვების შესახებ“ საქართველოს კანონის და მიმწოდებლის მიერ წარმოდგენილი სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება N **NAT190011651**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტი და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების განევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

2.1. ხელშეკრულების საგანია პროგრამის - "კულტურის სფეროს წარმომადგენელთა პროფესიული განვითარების ხელშეწყობა" ფარგლებში ღონისძიების ორგანიზება (CPV-79952000) კერძოდ, მუსიკის საერთაშორისო საზაფხულო აკადემიის და ფესტივალის წარმომადგენლებისთვის საჰაერო და სახმელეთო ტრანსპორტირება, სასტუმროში განთავსება, კვება, შიდა ტრანსპორტირება, ვიდეო გადაღება და ბეჭდვის მომსახურება (შემდგომში - შესყიდვის ობიექტი და/ან მომსახურება).

2.2. გასაწევი მომსახურების აღწერილობა მოცემულია დანართი N1-ში (შესყიდვის აღწერილობა) და დანართი N2-ში (ფასების ცხრილი), რომლებიც თან ერთვის ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 18 190 (თვრამეტი ათას ას ოთხმოცდაათი) ლარს, დღგ-ს გათვალისწინებით.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი, მომსახურების მიღება-ჩაბარების წესი

- 4.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.

4.2. მომსახურების საბოლოო მიღება განხორციელდება, ფაქტიურად გაწეული მომსახურების შესაბამისად გაწეული მომსახურების ღირებულებისა და მოცულობის მითითებით გაფორმებული მიღება-ჩაბარების აქტის საფუძველზე.

4.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია ხელშეკრულების შესრულების კონტროლის განმახორციელებელი პირები.

4.4. შემსყიდველი უფლებამოსილია უარი განაცხადოს უხარისხოდ განხორციელებული მომსახურების მიღებაზე.

4.5. მომსახურების მიწოდების ადგილია საქართველო.

4.6. მომსახურების მიწოდების ვადაა ხელშეკრულების დადებიდან 2019 წლის 26 ივლისის ჩათვლით პერიოდი.

შენიშვნა: კულტურის ზემოხსენებული ღონისძიების ჩატარების თარიღის და, შესაბამისად, მომსახურების გაწევის თარიღის ცვლილების შემთხვევაში აღნიშნულის შესახებ მიმწოდებელს ეცნობება არანაკლებ 1 კვირით ადრე პერიოდში.

4.7. ტრანსპორტირების მომსახურების გაწევისას, მიმწოდებელი პასუხს აგებს მგზავრისათვის და/ან შემსყიდველისათვის მიყენებული ზიანისათვის, ასევე მათი ბარგის დაზიანებისა და დაკარგვისათვის.

5. ანგარიშსწორების ფორმა, წესი და ვადები

5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.

5.2. ანგარიშსწორება ხორციელდება საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ. ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.

5.3. მიმწოდებლის დასაბუთებული მოთხოვნის შემთხვევაში ხელშეკრულების მოქმედების პერიოდში შესაძლებელია სააგანსო ანგარიშსწორება ხელშეკრულების ღირებულების არაუმეტეს 50%-ის ოდენობით. სააგანსო ანგარიშსწორების შესახებ გადაწყვეტილებას იღებს შემსყიდველი თავისი შეხედულებისამებრ.

5.4. სააგანსოდ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის ან/და სადაზღვევო კომპანიის მიერ გაცემული უპირობო გარანტიები.

5.5. სააგანსო გარანტიის (მისი წარმოდგენის შემთხვევაში) მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

6. გარანტია

- 6.1. მიმწოდებელი იძლევა განუვლი მომსახურების საერთაშორისო სტანდარტებისადმი შესაბამისობის გარანტიას.
- 6.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.
- 6.3. 6.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.
- 6.4. მიმწოდებელი ვალდებულია განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.
- 6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

7. ხელშეკრულების შესრულების კონტროლი

- 7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 7.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის სამინისტროს კულტურის დეპარტამენტის უფროსი თუა ჭანტურიშვილი და მეორე კატეგორიის უფროსი სპეციალისტი ნათია ბლაგიძე.
- 7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.
- 7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

- 8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.
- 8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტის ა,ბ,დ;ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.
- 8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.
- 9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

- 9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.
- 9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.
- 9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

- 10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

- 11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:
- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;
 - ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.
 - ე) საქართველოს კანონმდებლობით გათვალისწინებულ სხვა შემთხვევებში.
- 11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. სადავო საკითხების გადაწყვეტა

- 12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

- 13.1. ხელშეკრულება ძალაში შედის მხარეების მიერ ხელმოწერის დღიდან.
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

- 13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებას ქართულ ენაზე.
- 13.5. ხელშეკრულება ხელმოწერილია, შტამპდასმულია ელექტრონული ფორმით.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2019 წლის 31 დეკემბრამდე.

15. მხარეთა რეკვიზიტები

შემსყიდველი:

აჭარის არ განათლების კულტურისა
და სპორტის სამინისტრო
საქართველო, ქალაქი ბათუმი
ლ. გუდიაშვილის ქ. N4
ს/კ 245 427 667

მიმწოდებელი:

შპს „სივრცე 9“

საქართველო, ქალაქი თბილისი
ქუთათელაძის ქ. N 19
ს/კ 405251702
სს „საქართველოს ბანკი“
მფო BAGAGE22
ა/ა GE63 BG00 0000 0100 5384 30

მინისტრი

მაია ხაჭიშვილი



დირექტორი

სალომე კურტანიძე

შესყიდვის აღწერილობა

მუსიკის საერთაშორისო საზაფხულო აკადემიისა და ფესტივალის წარმომადგენლების უზრუნველყოფა შემდეგი მომსახურებებით (იხ. ტექნიკური დავალება):

მოწოდებულ მომსახურებაში უნდა შევიდეს:

1. კულტურის ღონისძიებაში მონაწილე პირების სახმელეთო ტრანსპორტირება ქ. თბილისი - ქ. ბათუმი - ქ. თბილისის მიმართულებით.

განრიგი:

- გამგზავრება ქალაქ თბილისიდან ქალაქ ბათუმის მიმართულებით - 2019 წლის 20 ივლისი;
- გამგზავრება ქალაქ ბათუმიდან ქალაქ თბილისის მიმართულებით - 2019 წლის 26 ივლისი;

ავტობუსი უნდა აკმაყოფილებდეს შემდეგ მოთხოვნებს:

- ავტობუსის გამოშვების თარიღი უნდა იყოს 2008 წელი ან ზემოთ.
- ავტობუსი უნდა იყოს არანაკლებ 50 ადგილიანი, ტექნიკურად გამართული, აღჭურვილი გათბობა-კონდიციონერის სისტემით, კომფორტული სალონით და სავარძლებით, ტელევიზორით, მაგნიტოფონით, საბარგულით.

შენიშვნა: მიმწოდებელმა მომსახურების განხორციელებამდე უნდა წარმოადგინოს ავტობუსის ტექნიკური დათვალიერების დამადასტურებელი ძალაში მყოფი დოკუმენტი, ტექ. პასპორტი, მძღოლის პირადობის დამადასტურებელი და მართვის მოწმობები.

2. კულტურის ღონისძიებაში მონაწილე 1 პირის საჰაერო ტრანსპორტირება შემდეგი მიმართულებებით და განრიგით:

- გამომგზავრება ქ. ვანკუვერის საერთაშორისო აეროპორტიდან ქ. თბილისის საერთაშორისო აეროპორტის მიმართულებით - 2019 წლის 16 ივლისი;
- ჩამოსვლა ქ. თბილისის საერთაშორისო აეროპორტში - 2019 წლის 18 ივლისი;
- გამგზავრება ქ. თბილისის საერთაშორისო აეროპორტიდან ქ. ვანკუვერის საერთაშორისო აეროპორტის მიმართულებით - 2019 წლის 26 ივლისი;
- ჩასვლა ქ. ვანკუვერის საერთაშორისო აეროპორტში - 2019 წლის 26 ივლისი;

შენიშვნა: ფრენა უნდა განხორციელდეს ტრანზიტული რეისით არაუმეტეს 1 გადაჯდომით;

შენიშვნა: ავიაბილეთ(ებ)ის (ეკონომ კლასი) ფასი უნდა მოიცავდეს ხელბარგისა (საშუალოდ 10 კგ) და რეგისტრირებული ბარგის (საშუალოდ 20 კგ) ღირებულებას.

3. კულტურის ღონისძიებაში მონაწილე 6 პირის განთავსება სასტუმროს ტიპის აპარტამენტებში ქ.თბილისში 19 ღამის განმავლობაში შემდეგი განრიგით:

- Check in – 2019 წლის 1 ივლისი; Checkout – 2019 წლის 20 ივლისი (19 ღამე)

შენიშვნა: სასტუმროს ტიპის აპარტამენტები (არამწველთა) აღჭურვილი უნდა იყოს კონდიციონერით, ტუალეტით, საშხაპით, უზრუნველყოფილი უნდა იყოს ცხელი და ცივი წყლის 24 საათიან რეჟიმში მოწოდება, აპარტამენტებში დაცული უნდა იყოს უსაფრთხოების (მათ შორის სახანძრო-საევაკუაციო) და სანიტარულ-ჰიგიენური ნორმები. აპარტამენტები არ უნდა იყოს განთავსებული შენობის პირველ სართულზე და აღჭურვილი უნდა იყოს ლიფტით, ასევე, უნდა მდებარეობდეს ღონისძიების ჩატარების ადგილიდან საშუალოდ 4 კმ-მდე რადიუსში.

4. კულტურის ღონისძიებაში მონაწილე 1 პირის სასტუმროში განთავსება ქალაქ ბათუმში (1 ერთადგილიანი არამწველთა ნომერი) სამჯერადი კვებით შემდეგი განრიგით:

- Check in – 2019 წლის 20 ივლისი; Checkout – 2019 წლის 25 ივლისი (5 ღამე);

შენიშვნა: ნომერი აღჭურვილი უნდა იყოს კონდიციონერით, ტუალეტით, საშხაპით, უზრუნველყოფილი უნდა იყოს ცხელი და ცივი წყლის 24 საათიან რეჟიმში მოწოდება, სასტუმროში დაცული უნდა იყოს უსაფრთხოების და სანიტარულ-ჰიგიენური ნორმები. ნომრები არ უნდა იყოს განთავსებული სასტუმროს პირველ სართულზე. სასტუმრო აღჭურვილი უნდა იყოს ლიფტით და უნდა მდებარეობდეს ღონისძიების ჩატარების ადგილიდან საშუალოდ 4 კმ-მდე რადიუსში (ღონისძიების ჩატარების ადგილია მ.ბალანჩივაძის სახელობის ხელოვნების სკოლა, ქ.ბათუმი, ბაქოს ქუჩა N48).

საორიენტაციო მენიუ: ქათმის ან საქონლის ხორციით მომზადებული ცხელი კერძი (წვნიანი მშრალი), ბოსტნეულის ან ხორცის სალათი, რძის პროდუქტი, ან მისგან მომზადებული კერძი, ხილი, ყავა, ჩაი, წყალი, მინერალური წყალი.

შენიშვნა: კვების მენიუ წინასწარ უნდა შეთანხმდეს შემსყიდველთან;

5. კულტურის ღონისძიებაში მონაწილე პირების შიდა ტრანსპორტირება 1 სამარშრუტო ტაქსით 6 ღლის განმავლობაში ქ. ბათუმში.

შენიშვნა: მიმწოდებელმა მომსახურების განხორციელებამდე უნდა წარმოადგინოს ავტომანქანის ტექნიკური დათვალიერების დამადასტურებელი ძალაში მყოფი დოკუმენტი, ტექ. პასპორტი, სამარშრუტო ტაქსის ლიცენზია, მძღოლის პირადობის დამადასტურებელი და მართვის მოწმობები.

6. ქ. ბათუმში მიმდინარე ღონისძიებების ფოტო-ვიდეო გადაღება / ვიდეო მონტაჟი.

შენიშვნა: ვიდეო გადაღება უნდა განხორციელდეს პროფესიონალი პირის მიერ, კამერა უნდა

აკმაყოფილებდეს შემდეგ მონაცემებს:

- HD-SDI (up to 1.5G) - მყარი ჩაწერა;

- 4K QFHD – 4 კ რეზოლუცია;
- 1920-1080 full Hd - ეკრანის გაფართოება;

7. ბეჭდვით უზრუნველყოფა:

- 100 ცალი აფიშა A1 90/64, 115გრ;
- 20 ცალი აფიშა A2;
- 60 ცალი მოსაწვევი 10.5/15სმ;
- 2 ცალი ბანერი 2/3 მეტრზე, საკილით;
- 500 ცალი ბუკლეტი 24 გვერდი ყდიანად, 200 გრ., სტეპლერით აკინძული, A5;
- 16 ცალი დიპლომი/სერთიფიკატი - ტილო, A4;
- 1 სტენდერი 80სმx2მ;
- 1 სტენდერი 1,50მx2მ;
- 500 ცალი კონვერტი 11სმ-22სმ;

შენიშვნა: აღნიშნული სარეკლამო მასალების ტექსტი და დიზაინი უნდა შეთანხმდეს შემსყიდველთან;

8. როიალის ტრანსპორტირება ქალაქ ბათუმის ტერიტორიაზე:

შენიშვნა: როიალის უსაფრთხო ტრანსპორტირებაზე პასუხისმგებელი უნდა იყოს მიმწოდებელი, ნივთის დაზიანების ან დაკარგვის შემთხვევაში მიმწოდებელმა უნდა უზრუნველყოს მიყენებული ზარალის ანაზღაურება.

9. როიალის აწყობა - 2 ცალი

შენიშვნა: კულტურის ზემოხსენებული ღონისძიების ჩატარების თარიღის და, შესაბამისად, მომსახურების განცემის თარიღის ცვლილების შემთხვევაში აღნიშნულის შესახებ მიმწოდებელს ეცნობება არანაკლებ 1 კვირით ადრე პერიოდში.

ფასების ცხრილი

პრეტენდენტის დასახელება შპს „სივრცე“

სამუშაოს/მომსახურების საქონლის/ დასახელება	რაოდენობა	ჯამური ღირებულება (ლარი)
სახმელეთო ტრანსპორტირება შემდეგი მიმართულებით: ქ. თბილისი - ქ. ბათუმი - ქ. თბილისი	1 ავტობუსი	3500
საჰაერო ტრანსპორტირება შემდეგი მიმართულებით: ქ. ვანკუვერი - ქ. თბილისი - ქ. ვანკუვერი	1 პირი	4500
სასტუმროს ტიპის აპარტამენტებში განთავსება	სულ 19 ღამე 6 პირი	1500
სასტუმროში განთავსება სამჯერადი კვებით	5 ღამე 1 პირი	900
შიდა ტრანსპორტირება ქ.ბათუმში	6 დღე, 1 სამარშრუტო ტაქსი	200
ღონისძიებების ვიდეო გადაღება და მონტაჟი	6 დღე	1200
აფიშის ბეჭდვა A1	100 ცალი	300
მოსაწვევის ბეჭდვა	60 ცალი	120
ბუკლეტის ბეჭდვა	500 ცალი	2500
დიპლომი/სერთიფიკატის ბეჭდვა	16 ცალი	50

სტენდერის ბეჭდვა	2 ცალი	860
ბანერის ბეჭდვა	2 ცალი	900
აფიშის ბეჭდვა A2	20 ცალი	110
კონვერტები	500 ცალი	750
როიალის ტრანსპორტირება	1 დღე	500
როიალის აწყობა	2 როიალი	300
ჯამი		18190

შენიშვნა: ანაზღაურება განხორციელდება ფაქტიურად მოწოდებული მომსახურების მიხედვით.